

LA CRABA LLANA



CRA Estadilla-Fonz

Lorena Palacín Terés
Nora Bardají Monfort
Nicolás Llagüerri Lleyda
Estela Pallás Domenech
Aarón Bardají Martínez
Lidia López Sallán
Naima Amraoui Chennafi
Carmen Peirón Mur
Jonathan Gabriel Antúnez Cartagena

Diseño y maquetación: Publicomp
Edita: Gobierno d'Aragón. Dirección Cheneral de Política Lingüística
D.L.: Z-300-2020

LA CRABA LLANA



CRA Estadilla-Fonz



Ser craba é fácil, fácil siempre que feigas lo que fan las crabas y seas como i son las crabas y no te preocupes de res más. Solo cal paseyar, minchar y dormir, pero, si t'esbarras una miqueta...

Esta é la istoria de una craba que se llamaba Llana, que pasaba la suya vida per la Sierra La Carrodilla, bebén, minchán y... Pero un mal día, que abeba caiu una buena nevada, no se le va alcurrir otra cosa que ir-ye a descubrir monte p'el Barranco Mentirosa. Como qu'el barranco é prou estrecho y no le da brenca el sol, la nieve s'abeba chelau y, al probar a subir-se-ne a un cantal, una de las patetas se le va eslisar y va cayer per el barranquizo, estricallán-se un cuerno. Aún grazias que va poder agarrar-se del camal de una figuera que n'abeba entre las piedras.

Allí, agarrau de la figuera va pasar toda la noche, chelada de frío y cagada de miedo, cuan sentiba de rato en rato

—Auuuuuuuuuuuuuuuuuuuuuu. Auuuuuuuuuuuuuuuuuuuuu.

Era el unico lobo que n'abeba en tot Aragón y teniba que estar-ye prezisamente en La Carrodilla, pensaba la pobrona.


Al maitino siguiente, las uellas y crabas del suyo rebaño la van trobar allí agarrada de la figuera, más muerta que viva. Como van poder y toz a una, como cal fer las cosas, van poder rescatar a Llana sana y salva menos per un cuerno que se l'abeba rompiu al cayer-se. Tot el rebaño estaba muy contento y el van zelebrar dán brincos per ixas sierras.





Tanto se l'en van reír que Llana se i va posar muy tristona y no feba más que pllorar y pllorar.


Los días pasaban y el tiempo amilloraba, pero no l'animo de la pobrona Llana que ya s'abeba quedau sin brenga amigos. El rebaño subiba p'el camino la Pedrera y otra craba, la más dolenta y que más se l'en reíba, se va eslisar y se va caer per la cortada de piedra, quedán-se enzima de un saliente.



Torna a fer-se de noche, así que uellas y crabas deziden tornar-se-ye enta la paridera pa pasar la noche protegius del frío y de ixe llobo que tanto miedo les feba.

Una vez en la paridera, después de aber minchau, bebiu y..., las crabas enchugaldridas van empezar a fer de las suyas y, como que a Llana se l'abeba rompiu el cuerno, van empezar a reír-se-le-ne y a burllar-se-le-ne.

Descornuda, descornuda...
busca el tuyo cuerno,
que aquí no está.



Tot el rebaño se la miraba desde alto, pero ninguno sabia lo que caleba fer.

—Ya'l sé -va dir Llana-. Atarem el mio cuerno a un binzell y l'en tirarem pa que pueda agarrar-se.

Así lo van fer. Le van llanzar el cuerno y la pobre craba se i va agarrar y, estirán entre toz del binzell, van poder subir-la.

Desde ixe mismo instante, todas las uellas y las crabas del rebaño van ser amigas per siempre jamás.

Y, colorín, colorau, este cuento s'ha acabau y per la chuminera el fumo s'ha escapau.



ARAGÓN
www.lenguasdearagon.org

 GOBIERNO
DE ARAGON